



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კურდღელაიძე გარსევან მელიტონის ძე

კურდღელაიძე გარსევან მელიტონის ძე (11. XI. 1920, სოფ. შენაქო, ახმეტის მუნიციპალიტეტი, - 12. X. 1983, თბილისი, დაკრძალულია სოფ. ქვემო ალვანში), გეოგრაფი. 1956 დაამთავრა თსუ-ის გეოგრ.-გეოლოგიის ფაკ-ტი ჰიდროლოგია-კლიმატოლოგიის სპეციალობით და მუშაობა დაიწყო თუშეთში ჰიდრომეტეოროლ. სადგურის უფროსად.

კ. იყო პირველი ქართვე. მეცნიერი, რ-მაც მონაწილეობა მიიღო ანტარქტიდის შესწავლაში. იგი 1957-59 იმყოფებოდა სამეცნ.-კვლევით სადგურ „ბიონერსკაიაზე“ და ხელმძღვანელობდა მეტეოროლ. კვლევებს. 1970-71 ორჯერ იყო მიწვეული სსრ კავშირის ჰიდრომეტეორ. სამსახურის ოკეანოლოგიურ ექსპედიციაში გემ „მუსონზე“. იკვლევდა ატლანტის ოკეანეს, განსაკუთრებით კი - გოლფსტრიმის დინებას; მისი უშუალო მონაწილეობით ტარდებოდა ბათიმეტრიული და ჰიდრომეტეოროლ. დაკვირვებები.

1959-იდან კ-მ მუშაობა დაიწყო ვახუშტი ბაგრატიონის სახ. გეოგრაფიის ინ-ტში. ხელმძღვანელობდა გლაციოლოგიურ ექსპედიციებს, წლების განმავლობაში იკვლევდა საქართვე. მყინვარებსა და მდინარეებს, სწავლობდა აფხაზეთისა და სამეგრელოს კარსტულ მღვიმეებს, მონაწილეობდა საქართვე. მყინვართა კატალოგის შედგენაში. ბოლო წლებში მუშაობდა გეოგრაფიის ინ-ტის სიონის ექსპერ. ლაბორ. ხელმძღვანელად, სადაც ახორციელებდა კომპლ. დაკვირვებებს.

კ-ს გამოქვეყნებული აქვს სამეცნ. ნაშრომები. იგი იყო თვითმოქმედ ხელოვანთა რამდენიმე გამოფენის მონაწილე.

თხზ.: ანტარქტიდის დღიური, თბ., 1962; თუშეთი (მეურნეობა, ბუნება, ტოპონიმიკა), თბ., 1983.

ლიტ.: ქართველი მოგზაურები, გეოგრაფები, ბუნების მკვლევარნი, ენციკლოპედიური ცნობარი, ავტორ-შემდგენლები: კ. ხ ა რ ა ძ ე , შ. ჯ ა ვ ა ხ ი შ ვ ი ლ ი ; თბ., 2003.

ე. ელიოზაშვილი
